

Канон святителю Афанасию Константинопольскому, Лубенскому чудотворцу

Память празднуем 2 (15) мая

Тропарь, глас 8-й

Премудростию учений твоих царствующий град просветив, тьму неведения еретического разгнал еси, преблаженне; твоё благословение земли Российской принёс еси, отче наш, святителю Афанасие, идеже скончав течение твоё, на крилах чистоты возлетел еси в Небесное Царство. Моли Христа Бога непрестанно о душах наших.

КАНОН, глас 8-й

Песнь 1

Ирмос: Воду прошёл, яко сушу, и египетскаго зла избежав, израильтянин вопиаше: Избавителю и Богу нашему поим.

Припев: Святителю отче наш Афанасие, моли Бога о нас.

Безсмертию быв тезоименит, в вере твердей житие твоё прошёл, блаженного безсмертия причастник явился еси, отче святителю Афанасие, ныне Христови предстои, поминай нас, почитающих тя.

Святителю отче наш Афанасие, моли Бога о нас.

Песнь хвалебную приносим ти, святителю, в прославление памяти твоея, аще и не довлёт ум наш по достоянию благохвалити тя, но ты сам помози нам почивающею на тебе неоскудною благодатию.

Слава: Очистив от всякия скверны душу и тело, святителю Афанасие, храм достоин Богу показался еси и Троицы жилище явился еси, священнотайниче пребогате.

И ныне: Храм освящен и лепотою благоукрашен воздвиге угонник Божий Афанасий во славу Твою и честь, Пречистая Владычице, темже не претай молящихся со святителем Христу Богу о душах наших.

Песнь 3

Ирмос: Небеснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, Едине Человеколюбче.

Святителю отче наш Афанасие, моли Бога о нас.

Светом благодати воистинну просиял еси, святителю Афанасие, и был еси священноделатель Евангелия Христова.

Святителю отче наш Афанасие, моли Бога о нас.

Благодатными словесы твоими напаяема паства твоя, горькости ересей отрицается.
Слава: Дobre упасл еси стадо Владыки твоего, отче Афанасие, темже во Обители Небесных вселился еси.

И ныне: Дажь нам помощь молитвами Твоими, прилоги отгоняющи лютых обстояний, Дево Всепетая.

Господи, помилуй (трижды).

Седален, глас 4-й

В правей вере Церковь Христова упасл еси, святителю Афанасие, и еретичества исторгл еси горькия плевелы. Темже в Вышних чертозах водворяешия, блаженне.

Слава, и ныне: Слово Отчее, Христа Бога нашего, от Тебе воплотившагося, познахом, Богородице Дево, Единая Чистая, Единая Благословенная, тем, непрестанно Тя воспевающе, величаем.

Песнь 4

Ирмос: Услышах, Господи, смотрения Твоего таинство, разумех дела Твоя и прославих Твое Божество.

Святителю отче наш Афанасие, моли Бога о нас.

Уста богодухновенная стяжав, святителю Афанасие, обличил еси злыя нравы лукавых человек и, скончався в неправедном изгнании, при Фаворе Мгарстем, оставил еси нам, недостойным, честное тело твоё, точащее чудеса.

Святителю отче наш Афанасие, моли Бога о нас.

Блажен явился еси, изгнан правды ради, завистию злонаравных человек, и нас посетил еси твоим благословением. Темже ныне от всех почитаешия священными песнями, мудре святителю Афанасие.

Слава: Первее был еси архиерей начальнаго града Критскаго, таже, по взятии того от агарян, Патриарх Константиноу граду поставлен был еси, идеже богодухновенными учениями стадо твоё напаял еси, блаженне святителю Афанасие.

И ныне: Ты, Блаженную, Единую избранную и непорочную обрет, воплощается Пребожественное Слово, Богорадованная.

Песнь 5

Ирмос: Просвети нас повелениями Твоими, Господи, и мущею Твоею высокою Твой мир подаждь нам, Человеколюбче.

Святителю отче наш Афанасие, моли Бога о нас.

Безсмертен по имени достойно нареклся еси, отче наш святителю Афанасие, зане, житие твоё чисте совершив, во Христа облеклся еси, темже Царь Славы и Бог вечный избрал тя в жилище Себе.

Святителю отче наш Афанасие, моли Бога о нас.

Избави чтущия тя, святителю Афанасие, от греховных бурь, от бед и скорбей, к тихому пристанищу приводя богоприятными твоими молитвами.

Слава: Добрый пастырь стада Христова явился еси, угодниче святителю Афанасие, не престай моляся ко Господу, да спасет души наша.

И ныне: Достойно Тя славят святительстии соборы и вси преподобных лица: Зиждителя бо всех, Божие Слово, на руку Твоею носила еси.

Песнь 6

Ирмос: Молитву пролию ко Господу и Тому возведу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведи мя.

Святителю отче наш Афанасие, моли Бога о нас.

Обитель сию, с верою почитающую тя, святителю Афанасие, храни от находящихся искушений, лютых обстояний и всяких скорбей, непрестанно моляся ко Владыце Христу о стаде твоём.

Святителю отче наш Афанасие, моли Бога о нас.

Ты и по смерти, яко жив сый, чудодействуеши, даруя немощным исцеления Божественною благодатию, рече бо Господь: прославляющая Мя прославлю.

Слава: Напастей облацы покрывша ны, и телесныя болезни умножишася. К тебе прибегаем и тебе призываем, святителю Афанасие: потщися на помощь, ускори на молитвы, от бед и скорбных обстояний нас избавляя.

И ныне: Очиств свое сердце, Авраам, праотец Твой, Чистая Дево, прият обещание от Бога: благословитися о семени его всем языком. Тобою исполнение обетования приемлем днесь.

Господи, помилуй (трижды). Слава, и ныне:

Кондак, глас 8-й

О всесвятейший пастырю и учителю вселенныя, преблаженне отче наш святителю Афанасие! К раце мощей твоих припадающе, усердно молим тя: прими от убогих душ наших любовь приносимая тебе моления и, яко имея дерзновение у Престола Владычня, испроси молитвами твоими чтущим тя со Ангелы и всеми святыми непрестанно Пресвятей Троице воспевати: Аллилуиа.

Икос

Леностию окаянный аз во глубину греха впадох, но, яко пастырь добр, воздвигни мя, святейший отче, и страсти угаси, зле мучащия мя, яко да, востав, чисте воспою твоё светносное торжество, имже Владыка вселенныя прослави тя достойно, яко раба вернейша, учителя премудра, совершителя Таин Божиих и блюстителя заповедей, яже добре сохранил еси, помазание святое, Афанасие премудре. Того присно моли, да дарует чтущим тя со Ангелы и всеми святыми непрестанно Пресвятей Троице воспевати: Аллилуиа.

Песнь 7

Ирмос: Отроцы еврейстии в пещи попраша пламень дерзновенно и на росу огонь преложивша, вопиюще: благословен еси, Господи Боже, во веки.

Святителю отче наш Афанасие, моли Бога о нас.

Во глубину зол впадох, страстьми погружаемый, и ко вратом ада приближился, грехми побеждаемый. Спаси мя молитвами твоими, Богоблаженне, и воздвигни, поюща:

благословѣн Бог отцѣв наших.

Святителю отче наш Афанасие, моли Бога о нас.

Всяких лю́тых неду́гов врач всеизря́ден яви́лся еси́, отче Афанасие. Исцели́ убо не́мощь ду́ши моея́ и сподо́би во умилѣнии се́рдца взыва́ти: отцѣв наших́ Бо́же, благословѣн еси́.

Слава: Дивный во святых Своих, прослави Господь и в земли Россійстей уго́дника Своего́, преблаже́ннаго святителя́ Афанасия́, па́стыря до́браго и моли́твеника о душа́х наших.

И ныне: Всесла́вная всех Цари́це, мольба́ми святителя́ Афанасия́ сохрани́ невреди́мы от всякаго зла́го обстоя́ния лю́ди Твоя́, всегда́ Тя моля́щая, я́ко Предста́тельница ми́рови.

Песнь 8

Ирмос: Седмерицею пещь халдѣйский мучитель Богочестивым неистовно разжже, сілою же лучшею спасены сия виде́в, Творцу́ и Избавителю вопия́ше: отроцы, благословите, священницы, воспойте, лю́дие, превозносите во вся ве́ки.

Святителю отче наш Афанасие, моли Бога о нас.

Бо́гатство уче́ний твои́х неоску́дно расточа́л еси́, святителю́ Афанасие, имже обогати́ся ум а́лчущих словесе́ твоего́. Изгна́н же быв непра́ведно от Престо́ла Царя́града, к ве́рным лю́дем Россі́йския земли́ пришѣл еси́ и в Фа́воре Мга́рstem блаже́нныя кончи́ны сподобля́ешися. Те́мже вопие́м: благословите дела́ Господня́, Го́спода, пойте и превозносите Его́ во ве́ки.

Святителю отче наш Афанасие, моли Бога о нас.

Яко весна́, яви́лся еси́, блаже́нне, таинственными цвѣты даро́в Божѣственных благоуха́я, разреша́я от напáстей и скорбе́й ве́рная ча́да твоя́, к тебѣ притека́ющая и Бо́гу вопию́щая: благословите, дела́ Господня́, Го́спода, пойте и превозносите Его́ во ве́ки.

Слава: Яко лоза́ многопло́дная, добродѣтелей плоды́ израща́ющая, яви́шася словеса́ твоя́, благода́ти исполненная: пришѣд бо ко ага́рянном, мольбу́ о лю́дех твои́х принѣсл еси́. Ти́и же, виде́вше тя, умилі́шася и, молѣ́ния ра́ди твоего́, престáша убива́ти критскія лю́ди, вопию́щія: благословите, дела́ Господня́, Го́спода, пойте и превозносите Его́ во ве́ки.

И ныне: Вы́шний Престо́ле, Де́во Богоневѣсто, до́лу лежа́щее естество́ наше к Небеси́ возводи́ши, те́мже Тя вси по до́лгу сла́вим.

Песнь 9

Ирмос: Ужасо́ся о сем Не́бо, и земли́ удиві́шася концы́, я́ко Бог яви́ся челове́ком плóтски и чре́во Твое́ бысть пространнейшее Небѣс. Тем Тя, Богороди́цу, Ангелов и челове́к чинонача́лія велича́ют.

Святителю отче наш Афанасие, моли Бога о нас.

Днесь свѣ́тло красу́ется святая́ па́мьять твоя́, и ты, святителю́ Афанасие, я́ко со́лнце, блиста́еши, ве́рных озаря́я, во Мга́рстей же оби́тели мно́зи, приходя́щии к тебѣ с ве́рою, приѣмлю́т исцелѣ́ния. Те́мже ты велича́ем.

Святителю отче наш Афанасие, моли Бога о нас.

Соше́дшеся днесь, досто́йно хва́лим тя, святителю́ Афанасие, и моще́й твои́х чтим

раку, просяще подати нам молитвами твоими от страстей избавление, болезней исцеление, грехов оставление, от напастей освобождение, и яко угодника Божия вси тя величаем.

Слава: Славу твою воспети по достоинству невозможно есть: чудеса бо многа совершаеши и исцеления неизвестно источаеши с верою приходящим к тебе, Афанасие, Российская похвало Темже яко угодника Божия вси тя величаем.

И ныне: Ты еси, Богородице, оружие наше и стена, Ты еси заступление к Тебе прибегающих, Ты ныне на молитву подвигаем, да избавимся от враг наших.